

Samþykkt um kjör og starfsaðstöðu kjörinna fulltrúa hjá Reykjavíkurborg

I. kafli Inngangur

1. gr.

Um starfskjör kjörinna fulltrúa

Borgarfulltrúar fá greidda þóknun og starfskostnað vegna starfa sinna eftir samþykkt þessari. Jafnframt fá aðrir kjörnir fulltrúar í nefndum og ráðum borgarinnar greidda þóknun fyrir störf sín eftir ákvæðum hennar.

2. gr.

Skilgreiningar

Nefndir og ráð Reykjavíkurborgar eru borgarstjórn, borgarráð, fagráð og aðrar nefndir og ráð sem skipaðar eru af borgarstjórn, borgarráði, fagráðum eða borgarstjóra. Fastanefndir Reykjavíkurborgar eru þær nefndir sem taldar eru upp í 13. gr. samþykktar þessarar.

Með fagráði er átt við ráð sem kosin eru skv. B-lið 61. gr. samþykktar um stjórn Reykjavíkurborgar og fundarsköp borgarstjórnar nr. 628/2001 með síðari breytingum.

Með borgarstjórnarflokki er átt við borgar- og varaborgarfulltrúa framboðslista sem fulltrúa á í borgarstjórn. Formaður borgarstjórnarflokks er borgarfulltrúi sem tilnefndur er sem slíkur af viðkomandi framboðslista og skal forsætisnefnd tilkynnt um tilnefninguna.

Samþykkt þessi tekur ekki til setu í stjórnnum byggðasamlaga, fyrirtækja eða félaga að hluta eða öllu leyti í eigu Reykjavíkurborgar. Þá tekur hún ekki til setu í dómnefndum.

II. kafli Um starfskjör borgarfulltrúa

3. gr.

Grunnlaun borgarfulltrúa

Borgarfulltrúar þiggja föst laun fyrir störf sín hjá Reykjavíkurborg sem nema 77,82% af þingfararkaupi eins og það er hverju sinni. Þetta eru grunnlaun borgarfulltrúa. Í þeim felast að fullu greiðslur fyrir setu í nefndum og ráðum borgarinnar, þ.m.t. formennsku í nefndum, innkomur sem varamenn og setur sem áheyrnarfulltrúar, sbr. þó ákvæði 4. mgr. 2. gr. og 4. gr.

Gert er ráð fyrir því að borgarfulltrúar sitji í einni fastanefnd borgarinnar í flokki I skv. 13. gr. Er þá bæði átt við setu sem kjörinn fulltrúi og áheyrnarfulltrúi. Sitji borgarfulltrúi ekki í nefnd í flokki I er gert ráð fyrir því að hann sitji í nefnd í flokki II. Sitji borgarfulltrúi ekki í nefnd í flokki I eða flokki II skerðast grunnlaun hans um 50%. Sitji borgarfulltrúi ekki í nefnd í flokki I skerðast grunnlaun hans um 25% nema hann sitji í tveimur nefndum í flokki II og III.¹

4. gr.

Álagsgreiðslur á grunnlaun

Borgarfulltrúar sem gegna formennsku í fagráði eða borgarstjórnarflokki fá greitt álag sem nemur 25% af grunnlaunum borgarfulltrúa. Borgarfulltrúar sem sitja í þremur eða fleiri fastanefndum fá greitt álag sem nemur 25% af grunnlaunum borgarfulltrúa. Heildarálag samkvæmt þessari málsgrein nemur að hámarki 25% grunnlauna borgarfulltrúa, þó gegnt sé formennsku í fleiri en einu ráði eða borgarstjórnarflokki og ráði.

¹ Breytt á fundi forsætisnefndar 2. nóvember 2012

Borgarfulltrúar sem sitja í borgarráði fá greitt álag sem nemur 25% af grunnlaunum borgarfulltrúa. Formaður borgarráðs fær þó greitt álag sem nemur 40% af grunnlaunum borgarfulltrúa.

Kjörnir varamenn í borgarráði fá greitt álag sem nemur 6% af grunnlaunum borgarfulltrúa.

Greiðslur samkvæmt 2. og 3. málsgrein eru óháðar álagsgreiðslum samkvæmt 1. mgr.

5. gr.

Starfsaðstaða borgarfulltrúa

Reykjavíkurborg leggur hverjum borgarfulltrúa til skrifstofu og almennan skrifstofubúnað, þ.m.t. fartölvu, auk aðgangs að fundaraðstöðu.

Skrifstofa borgarstjórnar annast skrifstofufjónustu fyrir borgarfulltrúa, s.s. gagnaöflun, síma- og ritvinnslu, undirbúning funda o.þ.h.

Reykjavíkurborg leggur hverjum borgarfulltrúa til farsíma og greiðir kostnað af notkun hans eftir viðmiðum sem skrifstofustjóri borgarstjórnar setur að höfðu samráði við forsætisnefnd. Jafnframt greiðir Reykjavíkurborg kostnað af nettengingu á heimili borgarfulltrúa eftir slíkum viðmiðum.

Borgarfulltrúar fá greidda fasta fjárhæð á mánuði, kr. 36.400, að frádreginni staðgreiðslu, til að mæta öllum persónulegum starfskostnaði, öðrum en skv. 1.-3. mgr., s.s. vegna áskriftar dagblaða, bóka- og tímaritakaupa, kaupa á efni úr fjölmiðlum, ferða innan höfuðborgarsvæðisins, veitinga, námskeiða- og ráðstefnuhalds o.þ.h., sbr. þó 6. og 7. gr.

6. gr.

Um kjör og starfsaðstöðu forseta sérstaklega

Forseti borgarstjórnar fær greitt 25% álag á grunnlaun borgarfulltrúa óháð öðrum álagsgreiðslum skv. 4. gr.

Þrátt fyrir ákvæði 3. mgr. 5. gr. er kostnaður af farsíma forseta borgarstjórnar greiddur úr borgarsjóði.

Forseti borgarstjórnar hefur afnot af bifreið og bifreiðastjóra vegna starfa sinna. Skrifstofa borgarstjórnar annast rekstur og umsýslu í þessu skyni.

Um risnu forseta borgarstjórnar fer eftir sömu reglum og um risnu borgarstjóra.

7. gr.

Ferðir utan- og innanlands

Um ferðaheimildir og greiðslu ferða- og dvalarkostnaðar vegna ferða borgarfulltrúa utan- og innanlands fer eftir verklagsreglum og leiðbeiningum um ferðaheimildir og greiðslu ferðakostnaðar í ferðum á vegum Reykjavíkurborgar.

8. gr.

Laun í orlofi

Borgarfulltrúum eru greidd full laun á meðan á sumarleyfi borgarstjórnar og fundahléi ráða og nefnda stendur.

9. gr.

Lífeyrisréttindi og tryggingar

Reykjavíkurborg heldur eftir iðgjaldi í lífeyrissjóð af launum borgarfulltrúa skv. ákvæðum laga um skyldutryggingu lífeyrisréttinda og starfsemi lífeyrissjóða nr. 129/1997. Greitt er iðgjald í Lífeyrissjóð starfsmanna sveitarfélaga nema óskað sé eftir því að greitt sé í annan lífeyrissjóð.

Borgarfulltrúar eru tryggðir gegn slysum í starfi með sama hætti og starfsmenn borgarinnar skv. kjarasamningi Reykjavíkurborgar og Starfsmannafélags Reykjavíkurborgar. Um rétt til launa í slysaforföllum fer þó eftir 10. gr.

10. gr.

Laun í veikinda- og slysaforföllum og fæðingarleyfi

Sé borgarfulltrúi forfallaður frá störfum vegna slyss eða veikinda heldur hann launum eigi að síður í allt að einu ári.

Greiðslur skv. 1. mgr. falla niður þegar við lok kjörtímabils eða þegar borgarfulltrúi lætur af störfum af öðrum ástæðum, s.s. skv. ákvæðum 30. gr. sveitarstjórnarlaga nr. 138/2011.²

Um rétt borgarfulltrúa til fæðingar- og foreldraorlofs fer eftir lögum um fæðingar- og foreldraorlof.

11. gr.

Biðlaun fráfarandi borgarfulltrúa

Borgarfulltrúi á rétt á biðlaunum er hann lætur af starfi borgarfulltrúa. Biðlaun skulu miðast við grunnlaun borgarfulltrúa og skal greiða laun hálfis mánaðar fyrir hvert ár sem borgarfulltrúi hefur setið í borgarstjórn auk fullra launa fyrir júnímánuð.³

Biðlaun skv. reglu 1. mgr. skulu greidd að hámarki í 3 mánuði. Taki borgarfulltrúi ekki við öðru launuðu starfi eftir að hann vikur úr borgarstjórn heldur hann þó biðlaunarétti þar til hann tekur við slíku starfi, þó ekki lengur en í 6 mánuði að hámarki.

III. kafli

Um þóknun fyrir störf fyrstu varamanna framboðslista

12. gr.

Fyrsti varamaður hvers framboðslista sem fulltrúa á í borgarstjórn fær greidd föst laun sem nema 70% af grunnlaunum borgarfulltrúa. Innifalið í þessu eru, á sama hátt og skv. 3. gr., greiðslur fyrir setu í nefndum og ráðum borgarinnar með þeim fyrirvörum sem þar eru tilgreindir, þ.m.t. um skerðingu grunnlauna.

Fyrsti varamaður sem gegnir formennsku í fagráði eða situr sem áheyrnarfulltrúi í borgarráði eða er þar kjörinn varamaður fær jafnframt greitt álag skv. 4. gr.

Fyrstu varamönnum framboðslista eru greidd full laun á meðan á sumarleyfi borgarstjórnar og fundahléi nefnda og ráða stendur.

Ákvæði 3. mgr. 5. gr. um aðgang að farsíma og nettengingu gilda einnig um fyrstu varamenn framboðslista. Þá leggur Reykjavíkurborg fyrstu varamönnum framboðslista einnig til fartölvu.

Ákvæði 15. og 16. gr. um lífeyrisréttindi og laun í veikindaforföllum o.fl. gilda jafnframt um fyrstu varamenn framboðslista.

Ákvæði 3. mgr. 19. gr. um rétt til greiðslu fastra launa í lengri forföllum borgarfulltrúa gilda um fyrstu varamenn framboðslista eftir því sem við á.

IV.

Um þóknun fyrir störf annarra kjörinna fulltrúa en borgarfulltrúa og fyrstu varamanna framboðslista

13. gr.

² Breytt á fundi forsætisnefndar 2. nóvember 2012.

³ Lagfært í október 2014.

Þóknun fyrir setu í fastanefndum

Kjörnir fulltrúar í fastanefndum Reykjavíkurborgar, aðrir en borgarfulltrúar og fyrstu varamenn framboðslista, fá greidda mánaðarlega þóknun fyrir störf sín, sem er tiltekið hlutfall þingfararkaupts. Greitt er sérstaklega fyrir setu í hverri fastanefnd.

Fastanefndir skiptast í fjóra flokka og er greidd þóknun sem nemur 20% af þingfararkaupi fyrir setu í nefnd í flokki I, 16% af þingfararkaupi fyrir setu í nefnd í flokki II, 14% af þingfararkaupi fyrir setu í nefnd í flokki III og 6% af þingfararkaupi fyrir setu í nefnd í flokki IV.⁴

Þóknun til fulltrúa í barnaverndarnefnd og endurskoðunarnefnd skal vera hin sama og fyrir nefndir í flokki I.

Formenn fastanefnda fá greidda tvöfalda þóknun fyrir setu í viðkomandi nefnd.

Kjörnum fulltrúum eru greidd full laun á meðan fundahléi nefnda og ráða á sumrin stendur.

Skipting fastanefnda í flokka er sem hér segir⁵:

Flokkur I	Flokkur II	Flokkur III	Flokkur IV
Borgarráð	Bílastæðanefnd	Heilbrigðisnefnd	Hverfisráð
Skipulags- og umhverfisráð	Forsætisnefnd	Innkauparáð	Stjórn Listahátíðar
Stjórnkerfis- og lýðræðisráð	Íþrótt- og tómstundaráð		
Skóla- og frístundaráð	Mannréttindaráð		
Velferðarráð	Menningar- og ferðamálaráð		
(Barnaverndarnefnd)			
(Endurskoðunarnefnd)			

14. gr.

Þóknun fyrir setu í öðrum nefndum

Fyrir setu í öðrum nefndum en fastanefndum fá kjörnir fulltrúar greidda þóknun pr. fund sem nemur 1,95% af þingfararkaupi. Formenn fá greidda tvöfalda þóknun.

15. gr.

Lífeyrisréttindi og tryggingar

Reykjavíkurborg heldur eftir iðgjaldi í lífeyrissjóð af launum kjörinna fulltrúa skv. ákvæðum laga um skyldutryggingu lífeyrisréttinda og starfsemi lífeyrissjóða. Greitt er iðgjald í Lífeyrissjóð starfsmanna sveitarfélaga nema óskað sé eftir því að greitt sé í annan lífeyrissjóð.

Kjörnir fulltrúar eru tryggðir gegn slysum í starfi með sama hætti og starfsmenn borgarinnar skv. kjarasamningi Reykjavíkurborgar og Starfsmannafélags Reykjavíkurborgar. Um rétt til launa í slysaforföllum fer þó eftir 16. gr.

16. gr.

Laun í veikinda- og slysaforföllum og fæðingarleyfi o.fl.

Sé kjörinn fulltrúi í fastanefnd forfallaður frá störfum vegna slyss eða veikinda heldur hann launum engu að síður í allt að tvo mánuði frá því að samfelldar fjarvistir hófust.

Um rétt kjörinna fulltrúa í fastanefndum til fæðingar- og foreldraorlofs fer eftir lögum um fæðingar- og foreldraorlof.

⁴ Breytt á fundi forsætisnefndar 2. nóvember 2012.

⁵ Breytt á fundi forsætisnefndar 3. október 2014.

17. gr.

Áheyrnarfulltrúar

Áheyrnarfulltrúar í fastanefndum borgarinnar sem tilnefndir eru skv. 2. mgr. 48. gr. samþykktar um stjórn Reykjavíkurborgar og fundarsköp borgarstjórnar, sem ekki eru borgarfulltrúar, fá greidda mánaðarlega þóknun fyrir störf sín skv. ákvæðum 13. gr. með sama hætti og kjörnir fulltrúar.

Aðrir áheyrnarfulltrúar sem rétt hafa til setu á fundum fastanefnda borgarinnar skv. heimild í lögum eða sérstökum samþykktum borgarstjórnar fá greidda þóknun fyrir störf sín sem nemur 1,95% af þingfararkaupi pr. fund. Starfsmenn borgarinnar sem sitja slíka fundi í tengslum við störf sín, fá þó ekki greitt sérstaklega fyrir slíka fundarsetu.

V. kafli

Um varamenn sem ekki eru jafnframt borgarfulltrúar

18. gr.

Um greiðslu þóknunar til kjörinna varamanna

Varamaður sem sæti tekur í nefnd eða ráði borgarinnar í forföllum aðalmanns, fær greidda þóknun pr. fund sem nemur 1,95% af þingfararkaupi. Varamenn sem sæti taka í borgarstjórn fá þó greidda þóknun pr. fund sem nemur 3,89% af þingfararkaupi.

19. gr.

Um rétt kjörinna varamanna til greiðslu fastra nefndarlauna

Ef aðalmaður í fastanefnd hefur ekki getað sótt fundi í tvo mánuði samfleytt vegna veikinda eða slyss tekur varamaður hans föst laun skv. 13. gr. frá næstu mánaðamótum þar á eftir.

Ef aðalmaður í fastanefnd er fjarverandi vegna fyrirfram ákveðins leyfis tekur varamaður hans föst laun frá næstu mánaðarmótum eftir að fjarvera aðalmanns hefst og til næstu mánaðamóta áður en hann snýr aftur til starfa.

Nú er borgarfulltrúi varanlega forfallaður eða í leyfi frá störfum í a.m.k. 6 mánuði og skal þá varamaður hans í borgarstjórn taka laun skv. II. kafla um starfskjör borgarfulltrúa á meðan á fjarveru hans stendur.

VI. kafli

Gildistaka o.fl.

20. gr.

Gildistaka

Samþykkt þessi kemur í stað samþykktar um kjör og starfsaðstöðu kjörinna fulltrúa hjá Reykjavíkurborg frá 21. desember 2004 og tekur gildi 1. júní 2006. Hækkun á þóknun fyrir setu í nefnd í flokki II, sbr. 2. mgr. 13. gr., tekur þó gildi 1. júlí 2006.

Samþykkt í forsætisnefnd 15. júní 2006.

Breytingar samþykktar 29. júní, 13. júlí og 1. september 2006, 5. febrúar, 15. júní og 13. desember 2007, 15. febrúar 2008, 29. janúar og 11. desember 2009, 16. júlí og 17. september 2010, 2. nóvember 2012 og 3. október 2014.